



## Ayushman Bharat - Pradhan Mantri Jan Arogya Yojana (AB-PMJAY)

*(Mipuite hriat tur pawimawhte)*

### 1. Thuhmahruai:

Ayushman Bharat – Pradhan Mantri Jan Arogya Yojana hi Sawrkar laipui, Ministry of Health & Family Welfare hnuai Scheme thar, tuna Scheme kal lai mek Rashtriya Swasthya Bima Yojana (RSBY) thlak thlengna tura duan chhuah a ni a. He Scheme thar hnuai hian chhungkua pakhatin kumkhatah Rs. 5,00,000/- (Cheng nuai nga) thleng damdawiina an inenkawl na senso an bill thei dawn tawh a ni. He scheme hi Sawrkar laipui chuan 23<sup>th</sup> September, 2018 hian tlangzarh tan a tum a, Mizoram ah pawh 1<sup>st</sup> October, 2018 atanga hman theih nghal tura ruahmanna kalpui mek a ni.

Mizoramah chuan Mizoram State Health Care Society, Department of Health & Family Welfare in a keng kawh ang.

**Miharsate chu natna avangin an buai tawh lo ang a, an natnate chu a thlawn a enkawlsak a ni ang.**

Khawvel a healthcare scheme lian ber AB-PMJAY hian Mizoram hriselna dinhmun a chawikang thei.

Chhungkaw tinin kum khatah cheng nuai 5 thleng an bill thei. Sorkar leh private hospital hrang hrangah inenkawl theih a ni.

Mizoram a chhungkua nuai 2 chuangin an hmang thei dawn a ni  
- SECC list a awmte  
- RSBY smart card neite  
- Health Care Scheme a in ziaklutte.

Mizoram a helpline number  
8794444407/9366588506

**AB-PMJAY Chanchin**

- Kum khatah chhungkaw khatin Rs 5,00,000 /- an hmang thei.
- SECC list a awmte, RSBY Smart Card neite leh Health Care Scheme a in ziaklut hovin an hmang thei.
- Hamthatna dawngtute tan Mizoram pawnah pawh in entir theih a ni.
- Sawrkar leh Private damdawi in zawng zawngah in entir theih a ni.
- Chhungkaw zat bituk a awm lo.
- Tunlai thiamna nasa taka hman tur a ni a, a thlawn a in enkawl theihna tur a ni.

**2. AB-PMJAY thil tumte:**

AB-PMJAY hian thil tum pahnih (2) a nei a, chungte chu:-

- a. Damdawiina inenkawlina hautak avanga harsatna tawh thinte chhawk zangkhai turin leh tun hma aia mipuite sum sen titem zawk turin.
- b. Awlsam zawka mipuiten damdawiina inenkawlina tha zawk an lo neih theih na tur leh a hma aia sum hman tur tihsan.

**3. AB-PMJAY hmang thei tu te:**

**Sawrkawr laipui phal chin**

- a. SECC (Socio Economic Caste Census) 2011 Census List-a tel chhungkua te,
- b. RSBY Smart Card hman mek chhungkuate.

***Mizoram Sawrkar hmalakna (Sawrkar laipui remtihna nen)***

- c. Mizoram Health Care a in ziak lut tawh sa chhungkuate leh kumin October chhung a inziak lutte.

**4. AB-PMJAY hamthatnain a ken telte:**

- a. He Scheme hnuuia inziaklut chhungkuate chuan kum khatah damdawi-ina inenkawl nan Rs. 5,00,000/- (Cheng nuai nga) thleng an bill/hmang thei dawn a. Natna chi hrang hrang 1390 chuang inenkawl theihna tur leh a zat (rate) bituk sa (package rate) a awm dawn a. Chuvangin Rs. 5,00,000/- (Cheng nuai nga) bill theih tih ni mahse, natna enkawlina rate (package rate) aia tam a hman theih chuang loh a ni. Heng package rate hian investigation man, damdawi man, in zai senso, chaw, Nursing senso, Doctor Visit senso, etc. a huam tel ang.
- b. RSBY leh Health Care hnuuia chhungkaw member tam lam zat limit (5 chin) awm thin chu tihtawp a ni a, chumi awmzia chu chhungkua member eng zata tam pawh ni se la then hran (split) ngai lovin chhungkaw khatah an tel vek thei tawh a ni.
- c. He Scheme-a inziak lutte chuan India ram puma Sawrkar damdawi inte leh Sawrkarin a phalsak Private damdawi inah an inenkawl thei dawn. Mizoram ah erawh chuan Sawrkar damdawi in leh Private damdawi in zawng zawnga hman theih turin a buatsaih a ni. Tin, Sawrkar laipui huam bak Primary Health Centre(PHC) ah pawh Mizoram ah chuan AB-PMJAY hamthatna hi a hmantheih dawn a ni.
- d. Damdawi ina inenkawl hian pawisa hman ngai lovin a bathlau (cashless) a inenkawl theih a ni tawh dawn a ni.
- e. He Scheme tharah hian Enrollment hranpa a ngai tawh lova, Enrollment Fee hranpa pawh chawi a ngai tawh lo vang. Nimahsela, APL tan erawh chuan a, kumin October chhung hian la in register lote tan hun hawn a ni dawn a, Register man chu Rs. 1500/- (Sangkhat zanga) a ni thung ang. Mahni bial Sub-Centre theuhah ngaihven tur ani. In register tawh sa tan tih nawn a ngai lo ang
- f. Damdawi ina luh hma leh chhuah hnuia senso awmte pawh huam thei tura duan a ni.
- g. He Scheme-a inziah luh hmaa natna lo neih sate pawh huam tura siam a ni.
- h. He list-a ziah luh chhungkuate chu damdawi ina an inenkawl dawnin Sawrkar siam ID (Voter's ID leh Aadhaar Card) leh Chhungkaw Ration Card kengin Beneficiary Identification System hmangin finfiah ngei an ngai dawn a. He finfiahna an paltlang hnuah he hamthatna hi an dawng thei ang.

- i. Phai lama kal mamawhte chuan a hranpa a Medical Board phalna lak a ngai tawh lovang. Nimahsela, phai a kal hmain, BIS hmanga finfiahna lehkha 'Golden Record' neisa tan a awlsam ang. He lehkha (Golden Record) hi sawrkar damdawi in atanga siam theih a ni.
- j. Transportation man bill theih thin kha bill theih a ni tawh dawn lo thung.
- k. Damdawi ina inenkawlina leh bill siam chu damdawi in mawhphurna a ni a, internet leh computer hmangin bill siam a ni mai dawn a ni.
- l. AB-PMJAY hi mipui tan tha taka kalpui a nih theihnan Sawrkar laipuih a enkawltu tur National Health Agency (NHA) din a ni a; State tina a enkawltu atan State Health Agency (SHA) din a ni bawk. Mizoramah chuan Mizoram State Health Care Society chu AB-PMJAY SHA a ni ang.
- m. NHA hian hmasawn zel turin State zawng zawngte thawhpui zel a tum.
- n. Damdawi ina enkawlina chungchang emaw harsatna chi hrang hrang nei chuan mahni biala Health Worker/Medical Officer/Chief Medical Officer emaw Health Care Society Office hnenah thlen tur a ni.

5. **AB-PMJAY hnuaia bill theihloh natnate:**

- a. Admit ngailo natna.
- b. Natna kaihnawih nilo senso.
- c. Inhlam vang nilo Pianhmang mawina tur atana plastic surgery emaw enkawlina.
- d. Ka chung zai ngai lova ha enkawlina (ha phawi, ha tih var, brace vuah etc).
- e. Natna vang nilova serh tan.
- f. Vaccine lak senso.
- g. Nunphung tibualo pianpui natna.
- h. Damdawi/zu hmansual kaihnawih natna.
- i. Mipat-hmeichhiat thlakna senso.
- j. Mahni intihnat senso (Intentional self-injury/suicide).
- k. Nikhaw hrelo kum bet rei tawh (persistent vegetative state).

*Issued by:*  
*Mizoram State Health Care Society,*  
*Department of Health & Family Welfare, Dinthar, Aizawl – 796001*  
*Contact No.: 8794444407/9366588506*  
*email : [shamizoram@gmail.com](mailto:shamizoram@gmail.com)*

